



UNIVERSITÄTS-  
BIBLIOTHEK  
PADERBORN

**Paraphrasis Psalmorvm Davidis Poetica**

**Buchanan, George**

**Argentorati, M. D. LXVIII.**

**VD16 B 3125**

Psal. LXXVIII. Attendite popule meus, legem meam, &c. Carm. gen. 1.

---

[urn:nbn:de:hbz:466:1-69145](https://nbn-resolving.de/urn:nbn:de:hbz:466:1-69145)

Fugere: turbauit profundas  
 Horror aquæ uitreæ lacunas.  
 Fudere aquas imperio tuo  
 Nubes procellas de grauido sinu,  
 Sonore rauco: grandinisq;  
 Infremuit lapidofus imber.  
 Cæli tonantis uastificus fragor  
 Implebat aures: lumina fulgurum  
 Terrebat ardor, & pauore  
 Attonitæ tremuere terræ.  
 Sali rubentis peruia uastitas  
 Ductore te tot millibus obruit  
 Vestigia, & fluctu refuso  
 Clausit iter Pharijs quadrigis.  
 Moses & Aron (ceu pecudum greges  
 Pastor reducit) præsidio tuo  
 Duxere tranquillas per undas,  
 Incolumes populi cateruas.

PSAL. LXXVIII. Attendite popule  
 meus legem meam, &c. Carm. gen.

A Vdite Isacidæ, & rerū pietate parentēs stro.  
 Qui colitis pura, huc animos aduertere  
 Mira canā, sed uera canam: quæ lōga uetus  
 Occulit arca: ais oracula mersa tenebris,  
 Euoluam: priscais accepta parentibus olim  
 Veriloquis dicitis, in sæcula sera nepotum  
 Transmittam: laudesq; Dei, mirandâq; fasta  
 Cognita de proauis discent me uate minores.  
 Namq; parés mudi sancto quū fœdere gente  
 Iungeret Isacidum sibi, patres prodere natis  
 Per

Per seriem, & seris uenientia sœcula sœclis,  
 Et legum monitus & facta ingentia iuslit.  
 Scilicet ut memori benefacta priora tenentes  
 Pectore, consilium uitæ auxiliumq; regendæ  
 A Domino exspectet, trepido turbate tumultu.  
 Ne tam cæca animos condant obliuia, legum  
 Irrita uentosis ut dent præscripta procellis.  
 Neu similes patrum malè grata mete rebelles,  
 Deficiant animi instabiles, dubioq; labantes  
 Pectora. Cur foboles Efræmi docta sagittis  
 Figere ueliaculo quamuis distantia certo,  
 Terga dedit penè ante tubas? latebrisq; salutē  
 (Opudor) abiecit quæsiuit turpiter armis?  
 Nempe quod auersos flexere per auaia gressus,  
 Obliti legum & monitorum & fœderis ieti,  
 Obliti tantorum operum quæ testibus olim  
 Patribus, in Pharijs Dominus patrauerat oris.  
 Quum mare diuisit teles cumulatè profundo,  
 Inter & aggestos undæ stagnantis aceruos  
 Incolumè eduxit populum, duce nube, serena  
 Luce, per obscuras flamma preceunte tenebras.  
 Flumina de solidi patefecit uulnere saxi,  
 Damnatisq; siti riuos donauit arenis.  
 Nec satiati undis linguis tenuere procaces,  
 Ausrimmane scelus, deserta per auaia rursus  
 Tentauere Deum: & uentris stimulatè uoracis  
 Inglauie, petiere cibos: ac talibus ora  
 Soluerunt, Silicis duræ qui flumina uenis  
 Elicuit, subitoq; sitim torrente leuauit,  
 Non potis est panem, non lautæ fercula mēsæ  
 Addere? non epulis conuiuia larga profusis?

K iiiij

Audiūt omnipotēs, calidaq; accēsus ab ira est,  
 Flāmarumq; globos fudit super agmina largis  
 Imbribus. & stolidos compescuit ignib<sup>9</sup> ausus  
 Et populo tamen ingrato, totiesq; salutis  
 Immemori acceptæ, dapibus dedit esse petitis.  
 Castra super latè ætherij patefecit Olympi:  
 Horreaq; & nubes cælesti semine fœtas  
 Ambrosiæ largos super agmina soluit in im-  
 bres:  
 Cælestisq; cibi indulxit mortalibus usum.  
 Cedere tum iusso campis ex aëris Euro,  
 Mox trepidis uolucrum pluuias Notus attu-  
 lit alis,  
 Non secus ac siccæ cumulos quū uerrit arenæ,  
 Puluereamq; trahit deserta per arida pallam.  
 Castra super tensisq; super tentoria uelis  
 Alituum tremulis resonabant agmina pennis,  
 Et circū affusis cumulabant stragibus agros.  
 Iamq; epulis exēpta fames: sed praua libido  
 Non exempta tamē, sed adhuc sine fine petitæ  
 Faucibus hærebant epule: Deus ecce repente  
 Vltor adest: latè subito grassante ruina,  
 Robora selectæ passim cecidere iuuentæ.  
 Sed neq; tot pœnæ, neq; tot berefacta rebelles  
 Continuere animos, nec tot miracula, rerum  
 Natura monstrante Deū. Pater ergo procaces  
 Casibus assiduis fregitq; & robore fracto,  
 Ante diem tremulæ succidit fila senectæ.  
 Vix tandem morbis uexati, erroribus acti,  
 Omnibus exhausti propè cladibus, omniū e-  
 Aguouère Deū: per tot discrimina tecti (geni,  
 Ere-

Ereptiq; malis, s<sup>e</sup>uoq; ex hoste recepti,  
Verba tamen blādis fundebāt subdola linguis  
Ore pij, mendace animo: neq; foederis icti  
Seruauēre fidem. Verum clementior ille  
Sontibus ignouit: patria pietate remisit  
Offensas, meritamq; ultro compescuit iram:  
Quippe homines memor esse animi modò fla-  
bra fugacis,  
Quæ fragiles agitent morituri corporis artus.  
O quoties inter uiduas cultoris arenas,  
Inter saxa siti squalentia, numinis iram  
Languentem insanis irritauēre querelis:  
Et sua diuinis dimensi ad robora uires,  
Virtutem breuibus uoluēre includere metis,  
Quæ mare, quæ terras, quæ cæli cōtinet orbes.  
Scilicet obliiti benefacta priora, salutem  
Acceptam, & duri nuper iuga dēpta tyraanni,  
Et quæ per Pharias miracula plūrima gentes  
Edidit, in uitreos suffuso sanguine riuos,  
Damnatisq; siti laticū sine munere mensis.  
Et modò pestiferæ per celsa palatia muscæ  
Spicula fīgebant liuenti tincta ueneno:  
Et modò flumineis squalebant atria ranis.  
Et nunc brachus edax hominumq; boumq; la-  
Agmine nūc dēso diræ exedēre locustæ. (bores,  
Grandinis imbre hortos, lapidosa grandine ui-  
tes,  
Grandine siluarū Dominus decussit honorem:  
Grandine prostrati fortis iacuēre iuuenci:  
Et segetū grauidos ruit igneus imber in agros.

K v

Ira Dei, laxisq; furor bacchatus habenis,  
Fumenidumq; faces, & cōscius horror oberrās  
Pectora, turbabat stimulis præcordia cæcis.  
Tū Ieto patefacta uia est: mors sequa per omne  
Passim hominū pecudūq; caput nulli æqua cu  
currit:

Primitias sobolis, carissima pignora, florem  
Roboris, & seræ spem præsidiumq; sene&ta  
Prostrauit, quā Nilus aqua se diuite uoluit,  
Et septē geminis reflui mare submouet undis.  
Interea, ceu pastor oves in pascua ducit,  
Ipse suū Dominus populum deduxit ab omni  
Vi procul & trepida formidine: fluitib⁹ e quor  
Obruit infestos in se redeuntibus hostes.

At sancti tenuerē patres loca sancta, Dei q;  
Parta manu, exclusit gentes prius unde profa  
Aut prostrauit humi uitias: & iugera mēs (nas  
Abramidi habitare dedit. Nec legnius illi  
Irritare Deum, & rerum tentare parentem,  
Fœdera negligere: & patrum de more rebelles  
Auertere suos recto de tramite gressus:

Nor secus ac arcus curuat se in cornua neruo  
Adducto, dextraq; iterum neruoq; remisso  
In faciem subito flectit se sponte priorem:  
Libera sic iterum gens impia uindice pœna  
Ad se rediit: cunctisq; in collibus aras  
Erexit, fixitq; sibi simulacra deorum,  
Ac Dominū rerum meritas accendit in iras.  
Audijt omnipotēs pater impia uota precesq;  
Et sibi dilectam gentem contempfit: & aras  
Ipse suas, ac Silonis tentoria liquit,

*Nilus.*

*Simile.*

Sola sibi è cunctis electa habitacula terris.

Deseruitq; sui monumentum fœderis arcam

Hostibus in prædam: monumentū roboris, unde

Clara Dei in cunctas splendebat gloria terras.

Hos ferro, terræ iratus sibi nuper amatæ,

Obiecit, flammis alios: cecidere cruento

Ense sacerdotes: non connubialia festis

Carmina sunt cantata toris, cariq; mariti

In deploratis uiduæ iacuere sepulcris.

Ast ubi iam pœnis meritam satiauerat iram,

Ceu crapula excusa miles, lentoq; sopore

Excitus, arma iterum fugientes uertit in hostes:

Tergaq; uulneribus figens imbellia cæcis,

Perpetuum aspersit uentura in sæcula labem.

Non tamen Efræmū præstantē fortibus armis

Elegit, cui sceptræ daret: non ille Manassæ

Pignora: sed Iudam, sed celsæ testa Sionis,

Templa sibi & solido fundata sacraria saxo,

Cumq; polo & stellis mansurā in sæcula sedé.

Quiq; lequebatur pecudes in pascua Dauid,

Sustulit è caulis, caram & sibi pascere gentem,

Impositum solio, & sanctæ ius dicere terræ

Iussit: & ille gregem studio curaq; fideli

Rexit, & infestis defendit ab hostibus armis.

PSAL. LXXIX. Deus, uenerunt gen-  
tes in hereditatem tuam, &c. Carm. gen. 3.

**H**Erreditatem, rector orbis, cur tuam

Inuadit hostis impius?

Ritu profano polluit sacraria

Tuo dicata nomini,

Soloq;

Dauid in  
regē electy.